



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. IX. Se prava societatis titillatione impulsum, fecisse furtum, quod non
fecisset solus.

urn:nbn:de:hbz:466:1-10120

b Confricatione conscientiarum animorum) ut caro scabie laborans confricatione delectatur; ita socii improbi, familiaritatis & mutuae conspirationis dulcedine, instigantur ad ea, quae soli non facerent.

C A P. IX.

Se prava societatis titillatione impulsu[m], fecisse furtum, quod non fecisset solus.

1. **Q**uid erat ille affectus animi? certe enim plane turpis erat nimis: & vacui mihi erat, qui habebam illum. Sed tamen quid erat? *Delicta quis intelligit?* Ritus erat Ps. 18. 13. quasi titillato corde, quod fallebamus eos, qui haec à nobis fieri non putabant, & vehementer nolebant. Cur ergo eo me delectabat, quo id non faciebam solus? An quia etiam a nemo facile solus ridet? nemo quidem facile. Sed tamen etiam solos, & singulos homines, cum alius nemo praesens est, vincit risus aliquando: si aliquid nimis ridiculum, vel sensibus occurrit, vel animo.

2. At ego illud solus non facerem, non facerem omnino solus. Ecce est coram te Deus meus, viva recordatio animæ meæ. Solus non facerem furtum illud, in quo me non libebat id, quod furabar, sed quia furabar: quod me solum facere prorsus non liberet, nec facerem. O nimis inimica amicitia, seductio mentis investigabilis! ex ludo & joco nocendi aviditas, & alieni damni appetitus, nulla lucri mei, nulla ulciscendi libidine; sed cum dicitur: eamus, faciamus, & pudet non esse impudentem.

N O T. AE.

a *Nemo facile solus ridet, &c.*) risus enim ex admiratione

64 S. AVR. AVG. CONF. LIE. II.

Fracast. de
Symp. c.
20. Vales.
1.5. contr.
c. 9. 1. 2.
q. 32. 4. 5.

tione nascitur, ut docent Philosophi; admiratio autem est desiderium sciendi aliquid novum aut insolitum, cuius causam, vel conditionem, vel circumstantiam ignoramus. ut sentit S. Thomas. Nova vero & insolita frequentius coram aliis, & ab aliis fiunt, aut narrantur, aut cogitantur, quam cum soli sumus. Vnde saepius ac faciliter coram aliis, praesertim familiaribus, ridemus, quam soli.

V S V S C A P. I X. & VIII.

Concipiendum hinc est odium malorum sociorum, saepiusque illud in examine conscientiae repetendum. At ego illud peccatum (detractionis, ebrietatis, luxuriæ, &c.) solus non facerem, non facerem omnino solus. Vel ergo vivam solus, vel eos quæram socios, cum quibus non plus mali, sed plus boni agam, quam solus.

C A P. X.

Detestans pravi affectus fuditatem, cupit in Deo quiescere.

I. **Q**uis aperit tortuosissimam istam & implicatissimam nodositatem? Fœda est, nolo in eam intendere, nolo eam videre. Te volo justitia & innocentia, pulchra & decora honestis luminibus, & insatiabilis fatietate. Quies est apud te valde, & vita imperturbabilis. Qui intrat in te, intrat in gaudium domini sui, & non timebit, & habebit se optime in optimo. Defluxi abs te ego, & erravi Deus meus, nimis devius à stabilitate tua in adolescentia: & factus sum mihi regio egestatis.

Matth. 15.
27.

V S V S.

Vtilis est haec aspiratio ad animum accendendum, ut postquam in peccatis quietem nullam inventit, eam in Deo solo quærat.

L I B E R